

गासैबो आरिमु महरफोरखौ सरजाबनाय

जों बयबो मिथिगौ दि जों बिजाबनि जोबथा बाहागोआव फैबाय। जों गासै मोनब्रै आरिमु महरफोरनि गुबुन-गुबुन बिथिंफोरनि सोमोन्दै सोलोंबाय। दायो बिसोर गासैखौबो जयै हेफाजाब होनायनि सम जाबाय। देजों बेफोर गासैखौबो माबोरै मोनसे खामानियाव खौसे खालामनो हायो बेखौ सोलों।

गिबियाव फै मोनसे सल' थानि, बिनि उनाव जों बै बाहागोफोरखौ दिहुनगोन जेराव जों मोनसे थि आरिमु महरनि गुदिमुवाफोरखौ बाहायनो हायो।

रंजाथाव मोन्दों? नों ह्मदांनो हादोंमोन नामा दि बे फिसा सल'आव, गासैबो आरिमु महरफोरा जयै दाजानाय? फै जों इसारा खालामनि?

सील - नों बेखौ बे बिजाबनि आयदायाव आरिमुआरि नुथाया मोनसे हाबाफारि महरै खालामदोंमोन।

जायगायारि आरो ओनसोलारि मेथाइफोर आरो मोसानाय।— नों देखो आरो मोसानाय सम्फोराव गोबां सोलोंबाय।

नों गासैबो सावरायलायनाय आरो रंजानायनि फोरमायथिफोरखौ सोलोंबाय, थियेटारनि हाबाफारिफोराव गिनाय आरो सोमोनांथाव आरो दा नों बेफोरखौ माबोरै सोरजियो बेखौबो मिथिगौ।



0680CH21

सल'नि बिदिन्धि

सानै लोगोफोरा हाग्रानि रुगुडाव गेलेगासिनो दंमोन, आरो मोनसे आन्दोनि कडजों लोगोसे मोनसे गोमोथाव सील मोन्दोंमोन। बिसोरो आन्दोनि कडखौ बेखेवनो थाखाय मोनसे साहसगोनां खामानियाव थादोंमोन। नाथाय बिसोरो जेबो नागिरना मोनाखैमोन आरो ह्मदांनो हादोंमोन दि बिसोरो हाग्रायाव गोमालांबाय। बिसोरो गारनो थाखाय फ्राय थियारिमोन। बै समावनो बिसोरनि गेजेराव सासेआ माखासे थागिबि सुबुंफोरखौ गावसोरनि इसोरनि सिगाडाव मोसानाय नुदोंमोन। गथ'फोरा ह्मजाबाय! बै सुबुंफोरा सानैखौबो गाव-गावनि गामियाव लादोंमोन। गथ'फोरा जोबोद गिदोंमोन आरो खारखुमानो सानथांखि खालामदोंमोन। जेब्ला बिसोरो ओंखारलांनो नागिरदोंमोन, बिसोरो नुदोंमोन दि गामिनि गासैबो न'फोरहा सीलनि बायदि रोखोमसे डिजाइन दं। बिथांमोनहा बै सुबुंफोरनो गावसोरनि सीलखौ दिन्धिदोंमोन आरो बबेबा लामाजों बिसोरखौ बुजिहोदोंमोन दि बिसोरो हाग्रायाव सील मोन्दोंमोन आरो गोमालांदोंमोन। बिसोरनि गोथार सीलखौ नुनायनि उनाव, हाग्रामानि गासैबो गामिनि सुबुंफोरा बिसोरजों लोगो जानो थाखाय जोबोर गोजोनदोंमोन। बिथांमोनहा बिसोरखौ सोरगिदि दिन्धिदोंमोन आरो बिसोरनो बुंदोंमोन दि बिसोरो बुहुमखौ गावसोरनि इसोर महरै सिबियो।

नों मोनथिगौना

पन्च (मोनबा) तत्व (गुदिमुवा) एबा पन्च भुटाया मोनबा गुदि गुदि बाहागो। बेफोर जाबाय बुहुम, दै, अर, बार आरो अख्रामा।

दा नों हमदांनो हागोन नामा दि जों बेफोर गासैखौबो मोनसे सल' बानायनो थाखाय बेसेबां समायनायै फोनांजाबनो हायो। ओरैरैनो, सिगां थां आरो गावनि सोरजि।

सुबुरुन होजानाय आयदाया जादों 'बुहुम आरो दै' पन्च खान्थि - मिथिंगानि मोनबा गुदिमुवाफोर।

गावारि मावफारि

फै जों मोन्नै गुदिमुवा - बुहुम आरो दैनि सोमोन्दै सावरायनि।

गिबिआव, बै ओनसोलफोर, जेंनानि जायगाफोर एबा जेंनाफोरखौ सिनायथि खालाम जायखौ जों गुबुन गुबुन आरिमु महरफोरजों दिन्थिनो हायो। बिदिन्थि बायदियै, जुदि जों हा गुबुंले जानायखौ सायख'यो, अब्ला जों फट'ग्राफिनि मोनसे फोसावनाय बानायनो हायो एबा माखासे पस्टार (नुथाय आरिमु) बानायनो हायो। जों थुलुंगायारि मेथाइजों दोसे मेथाइबो लिरनो हायो आरो बेखौ मोनसे गोहोगोनां सुर (देखो)

आव सुजुनो हायो, एबा बे जुनिया मेथाइ (मोसानाय) आव मोसानाय आगानफोरखौबो सर' खालामनो हायो, आरो मोनसे गुसुं स्किट, थुनफावथाय एबा बानायनो हायो। नुक्कड़ नाटक आरो गोजौआव बुनाय गासैबो आरिमुनि गुदिमुवाफोरखौ सोफादेर।

बुहुम आरो दैजों सोमोन्दो थानाय नौनि सानस्रि, गोसो मोन्दांथि आरो सान्नायफोरखौ फोरमायनो थाखाय मोनसे मावथांखि जौगाहोनो थाखाय देखो, नायजाब, मोसानाय आरो नुथाय आरिमुनि नौनि गियान आरो रोंग'थिखौ बाहाय।

जेब्लानो नों मिथिंगानि मोनबा गुदिमुवाफोरजों मोनसे आरिमु महरखौ फोनांजाबनायनि गुबुन राहा सानो, अब्ला नों बे हाबाखौ मावबाय थानो हागोन। जेब्ला नों बेफोर सोमोन्दोफोरनि बादै सानबाय थागोन, जों मोनसे गेलेमु मह्रै गेलेनो हानाय रंजाथाव हाबाफारियाव हान्जाफोराव खामानि मावजेनगोन।



गुदिमुवा	फावथायनि गुदिमुवाफोर (आबेगफोर, मावनायफोर, सोदोबफोर)	देखोनि गुदिमुवाफोर (रिसारथि, खबाम, आबेग, सोदोबफोर)	मोसानायनि गुदिमुवाफोर (खबाम, सोमावसारनाय, फोरमायथिफोर)	नुथाय आरिमुनि गुदिमुवाफोर (सारि, महर, गाब, दाथाय)
बुहुम आरो दै				

गोसोआव लाखि दि नों गुदिमुवाफोरखौ फोनांजाबनाय लामाया नोंनि लोगोफोरा गुदिमुवाफोरखौ माबोरै फोनांजाबो, बेनिफ्राय गुबुन जानो हागौ। नोंनि सानसि बायदियै बे फारिलाइखौ आबुं खालाम। जुदि नोंनो लिरनो एबा आखिनो थाखाय बांसिन जायगानि गोनांथि जायो अब्ला नों नोंनि नटबुक एबा गुबुन लेखा बिलाइखौ बाहायनो हायो।

हान्जायारि मावफारि एबा हान्जानि खामानि

नों गावारि आखुथाय बायदि बुहुम आरो दैजों सोमोन्दो गोनां मोनसे आयदा एबा मोनसे आयदा एबा जेंनानि जायगाखौ सायख'गोन। बेयाव नोंनि लाइमोन गोसोनि थाखाय माखासे सानखांहोग्रा सानसिफोर दं। नों नोंनि जायगायाव हानि गुन एबा लोंग्रा दैनि फुखा एबा नोंनि सोरगिदि मिथिंगायारि सम्फदफोरनि बादै सानदों नामा? नों मोनसे फुखि, बिलो एबा दैमा आरो बेनि सोरबिथिं खान्थि, हाजोफोरनि सिमा, जायखौ नों नुदों, बावैसो दावबायनाय दैबाज्जुमनि समायनाखौ बरनायनो हागोन नामा?

नों दै गैयै सानखौ साननो हागोन नामा एबा नों जोबोद मैला आरो गुबुले हायाव थानो साननो हागोन नामा? नंगौ, जों जेब्लाबो आरिमुनि गेजेरजों माखासे मोजां सोलायनाय लाबोनो नाजानो हायो मानोना आरिमुआ जौगाहोनायनि मोनसे रोंग'थिल' नडा, नाथाय बेयाव समाजारि सोलायनाय आरो फोसाबनायफोरबो खालामनो हानाय गोहो दं। आरिमुनि गियाना जोंनि गेजेराव गासैबो बाभ्रानि सोमोन्दै सांग्रांथि आरो सांग्रांथि लाबोयो मानोना जों फिसा-फिसा जिनिस, समायना आरो जोंनि सोरगिदि सोलायनायफोरखौ बाखायनो हमो।

दा, नों माखासे मेलेमारि सोलोंथायनि थाखाय थियारि नामा?

बिथोनफोर

1. चिटनि मोनबा सेट बानाय। मोनफ्रोम सेटआव बै चिटफोराव लिरजानाय मोनसे थि आरिमु महरजों सोमोन्दो गोनां हाबाफारिफोर थायो। (हाबाफारिफोर लिरनो थाखाय गाहायाव होनाय फारिलाइखौ बाहाय।)
2. थाखोखौ मोन्नै एबा मोनथाम हान्जायाव बोखाव, जाहाथे मोनफ्रोम हानजायाव सा 10-12 सो सोद्रोमाफोर थायो। मोनफ्रोमबो हानजाया गावसोरनि खामानिनि जायगा महरै 'बुहुम' (पृथ्वी) एबा 'दै' (जाला) खौ सायख'यो।
3. मोनफ्रोम हानजानिफ्राय सासे थान्दैया मोनफ्रोम सेटनिफ्राय मोनसे चिट सायख'यो। बेनिखायनो मोनफ्रोमबो हानजायाव आथिखालाव नायजाब, देखो, नुथाय आरिमु आरो मोसानायनिफ्राय मोनफ्रोमबो हाबाफारि दं। 'बेसेनफोर' नि सिडाव थानाय चिटखौ गासैबो आरिमुफोरखौ ज' खालामनो थाखाय मोनसे आयदा महरै बाहायनो हायो।
4. दानिया, नोंनि हानजाजों जिराय आरो मोनसे खौसे मावथांखि जौगाहो, जेराव गासैबो आरिमु महरफोर थाफायो। गावनि दिहुनथायखौ सोरजि आरो बेखौ थाखोआव दिन्थि।

मावफारि

थियेटार	देखो	नुथायारि आरिमु	मोसानाय	बेसेनफोर
मुखा बानायनाय	मेथाइ लिरनाय आरो सुजुनाय	गुदिमुवाफोरजोंनो आरिमु सोरजि — हाब्रु आरो हाब्रु एबा दैनि गाब	आयथेंनि ताल आरो मोखांजोल फोरमाय ।	जोरनो हानाय
फुथुला दिन्धिफुनाय	नोंनि सोरगिदिं बेसादफोरजों रिसार सोरजि ।	मिथिंगायारि गाबफोरखौ बाहाय	बुहुम आरो दैजों सोमोन्दो गोनां सुबुं मोसानाय नागिर	हारिमुआरि सेन्सिटिभिदि
डिजाइननि खसाब आरो मेक-आप ।	एलिमेन्टजों सोमोन्दो गोनां आबेग सोरजिनो जायखिजाया आयजेंखौ बाहाय ।	आरिमु सोरजिनो थाखाय गुदिमुवाजों सोमोन्दो गोनां बिखं एबा मुवाखौ बाहाय ।	आखाइनि इसाराफोरखौल' बाहाय ।	स्वार्थ गैयै खामानि
आखुथायफोर आरो रायज्जायनायजों मोनसे स्क्रिष्ट लिर ।	सासे मुंदांखा देखोगिरिजों रोजाबनाय मेथाइ नागिर जायनि सोमोन्दै नों सोलौंबाय ।	बथल एबा पाइप बायदि गुदिमुवाफोरजों सोमोन्दो गोनां गारनाय मुवाफोरखौ आपसाइकेल (फिन बाहायफिन्नाय)	दोंसे मेथाइ एबा देखोजों मोसानाय सुजु ।	स्वच्छता